

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-456/09
Sarajevo, 01.04.2009. godine

Z A P I S N I K
9. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 01. aprila 2009. godine

Sjednica je počela u 11.26.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, premijera Federacije Nedžada Brankovića, zamjenika premijera Federacije Vjekoslava Bevandu i Gavriła Grahovca, ministre u Vladi Federacije Bosne i Hercegovine, goste, predstavnike Međunarodne zajednice i međunarodnih organizacija, predstavnike udruženja i sindikata, kao i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 48 delegata, što čini većinu, te Dom naroda može raditi i punovažno odlučivati.

Izostanak sa sjednice opravdali su Jasenko Tufekčić i Edin Hozan.

Predsjedavajući je obavijestio delegate da je Vlada Federacije dostavila Prijedlog Izmjena i dopuna Budžeta Federacije Bosne i Hercegovine za 2009. godinu, Prijedlog Zakona o izmjeni Zakona o izvršavanju Budžeta Federacije Bosne i Hercegovine za 2009. godinu i Prijedlog Zakona o izmjenama i dopunama Zakona o dugu, zaduživanju i jamstvima u Federaciji Bosne i Hercegovine sa prijedlogom da se razmatraju po hitnom postupku, te je pozvao delegate da se izjasne da li prihvataju da se ovi prijedlozi zakona razmatraju po hitnom postupku.

Na osnovu rezultata glasanja, predsjedavajući je konstatovao sljedeće:

- Dom naroda je, sa 38 glasova za, uz dva glasa protiv i uz osam uzdržanih glasova, prihvatio da se Prijedlog Izmjena i dopuna Budžeta Federacije Bosne i Hercegovine za 2009. godinu razmatra po hitnom postupku;

- Dom naroda je, sa 38 glasa za, uz devet glasova protiv i uz dva uzdržana glasa, prihvatio da se Prijedlog Zakona o izmjeni Zakona o izvršavanju Budžeta Federacije Bosne i Hercegovine za 2009. godinu razmatra po hitnom postupku;

- Dom naroda je, sa 38 glasova za, uz devet glasova protiv i uz dva uzdržana glasa, prihvatio da se Prijedlog Zakona o izmjenama i dopunama Zakona o dugu, zaduživanju i jamstvima u Federaciji Bosne i Hercegovine razmatra po hitnom postupku.

Potom je predsjedavajući dao predloženi dnevni red na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova za, uz devet glasova protiv i uz dva uzdržana glasa, usvojio sljedeći:

DNEVNI RED

1. Prijedlog Izmjena i dopuna Budžeta Federacije Bosne i Hercegovine za 2009. godinu – hitni postupak,
2. Prijedlog Zakona o izmjeni Zakona o izvršavanju Budžeta Federacije Bosne i Hercegovine za 2009. godinu – hitni postupak,
3. Prijedlog Zakona o izmjenama i dopunama Zakona o dugu, zaduživanju i jamstvima u Federaciji Bosne i Hercegovine – hitni postupak.

Predsjedavajući je predložio da se o svim tačkama dnevnog reda obavi zajednička rasprava, a izjašnjavanje obavi pojedinačno, što su delegati prihvatili.

- 1. Prijedlog Izmjena i dopuna Budžeta Federacije Bosne i Hercegovine za 2009. godinu**
- 2. Prijedlog Zakona o izmjeni Zakona o izvršavanju Budžeta Federacije Bosne i Hercegovine za 2009. godinu**
- 3. Prijedlog Zakona o izmjenama i dopunama Zakona o dugu, zaduživanju i jamstvima u Federaciji Bosne i Hercegovine**

Prijedloge zakona utvrdila je Vlada Federacije Bosne i Hercegovine.

Prijedloge zakona razmatrala su nadležna radna tijela i dostavila svoje izvještaje.

Prijedloge zakona obrazložio je Vjekoslav Bevanda, federalni ministar finansija.

Emir Frašto je, ispred Odbora za ekonomsku i razvojnu politiku, finansije i budžet, predložio da se odloži rasprava o ovim prijedlozima zakona i da se zaduži Vlada Federacije da, u skladu sa Zakonom o budžetima u Federaciji Bosne i Hercegovine, pripremi i uputi u parlamentarnu proceduru po redovnom postupku ove prijedloge zakona koje bi Dom naroda razmatrao na jednoj od narednih sjednica.

Predsjedavajući Doma naroda Stjepan Krešić izjavio je da je Odbor ovaj prijedlog trebao predložiti prilikom utvrđivanja da li će se ovi prijedlozi zakona razmatrati po hitnom postupku.

Potom se prešlo na raspravu o tačkama dnevnog reda.

U raspravi su učestvovali: Saša Magazinović, Vjekoslav Bevanda, federalni ministar finansija, Besim Imamović, Elvira Abdić-Jelenović, Tomo Vidović, Josip Perić, predsjednik Kluba delegata hrvatskog naroda, Igor Rajner, Svetozar Pudarić, Mislav Sučić, Sead Čaušević, Mira Ljubijankić, predsjednica Kluba delegata srpskog naroda, Nikola Simić, Zoran Budimić, Ivo Komšić i Muhamed Osmić.

Nakon zaključene rasprave prešlo se na glasanje.

1. Prijedlog Izmjena i dopuna Budžeta Federacije Bosne i Hercegovine za 2009. godinu

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za, uz 13 glasova protiv i uz dva uzdržana glasa, usvojio Prijedlog Izmjena i dopuna Budžeta Federacije Bosne i Hercegovine za 2009. godinu.

2. Prijedlog Zakona o izmjeni Zakona o izvršavanju Budžeta Federacije Bosne i Hercegovine za 2009. godinu

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za, uz 12 glasova protiv i uz tri uzdržana glasa, usvojio Prijedlog Zakona o izmjeni Zakona o izvršavanju Budžeta Federacije Bosne i Hercegovine za 2009. godinu.

3. Prijedlog Zakona o izmjenama i dopunama Zakona o dugu, zaduživanju i jamstvima u Federaciji Bosne i Hercegovine

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za, uz 14 glasova protiv i uz jedan uzdržani glas, usvojio Prijedlog Zakona o izmjenama i dopunama Zakona o dugu, zaduživanju i jamstvima u Federaciji Bosne i Hercegovine.

Sjednica je završena u 13.46.

Transkript sa sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić